



Fakamatala fakamuimui taha ki he tu'unga 'oe 'Ea, pea mo e fakafuofua ki he 'Uha .



Fepueli ki 'Epeleli 2026


Tukuatu: 23 Sanuali 2026

Koe toe vakai kihe 'Ea 'i he mahina Tisema:

- Koe 'uha na'e ma'olunga pe 'ihe 'avalisi 'I 'Ea mo Vava'u pea ma'olalo 'ihe 'avalisi 'I Tongatapu, Ha'apai moe ongo Niua, vakai kihe Tepile 1 moe kalafi 'i lalo.
- Koe lahi taha e 'uha 'ihe houa 'e 24 na'e 117 mm 'ihe me'afua 'i Kaufana, 'Eua 'ihe 'aho 17.
- Koe 'avalisi 'oe mafana 'oe 'Ea na'e 26.5°C 'aia na'e tatau pe ia mo e 'avalisi anga maheni.
- Koe mafana taha 'oe 'Ea na'e 35.5.0°C 'i Nomuka 'ihe 'aho 30. Koe mafana taha eni 'oe 'Ea 'i Tisema talu e ka-mata e lekooti 'aia koe mafanataha 'ihe lekooti koe 35.0 tikili 'ihe 2009 'i Niuafo'ou.


Tepile 1.

'Uha (mm) meihe mahina e 6 kuo hili, Siulai ki Tisema 2025						
	Siulai	'Aokosi	Sepitema	'Okatopa	Novema	Tisema
Niuafo'ou	57.0	67.5	112.5	69.5	374.0	155.5
Niuaotoputapu	72.0	7.0	102.3	56.5	466.2	189.0
Vava'u	127.1	19.6	112.3	81.1	342.3	451.5
Ha'apai	77.4	59.8	65.1	166.5	181.8	57.8
Fua'amotu	83.6	225.2	20.3	79.7	370.4	127.8
Nuku'alofa	54.0	208.5	37.0	151.0	334.0	115.0
'Eua	82.1	214.0	50.4	171.0	277.1	214.3
Ma'olalo ihe 'avalisi		'Avalisi angamaheni		Ma'olunga 'ihe 'avalisi		



Koe fua 6e mafana 6e 'Ea moe 'Uha mei he ngaahi vahe lalahi 'o Tonga ihe mahina e 13 kuo hili.

Felave'i moe ngaahi sekitoa:




- Ne lahi 'ae ngaahi feitu'u na'e si'l 'aupito 'ae 'uha 'i Tisema 'o hange ko 'ene ha 'l he ngaahi kalafi l lalo. 'Oku mahu'inga leva kihe ngaahi feitu'u koeni tautefito kihe ngaahi motu iiki ange ke ngaue fakapotopoto 'aki 'ae vai pea tanaki 'ae vai 'oku ma'a ke faka'aonga'i ki he inu.




- Ko e kelekele moe ngaahi ngoue'anga 'e 'iai ha ngaahi uesia tupu meihe si'l 'age 'uha 'l Tisema. Koia 'oku mahu'inga ki he kau ngoue ke fakahoko 'ae ngaahi founga ngoue fakapotopoto 'ihe ngoue'anga pehe kihe tauhi oe fanga monumanu telia 'ae ngaahi uesia e ala hoko tupu meihe 'ikai ha vai fe'unga.


Fua'amotu (3097) - Temperature & Rainfall for the last 13 Months
(December, 2024 - December, 2025)



Lupepau'u (3091) - Temperature & Rainfall for the last 13 Months
(December, 2024 - December, 2025)






Ha'apai (3092) - Temperature & Rainfall for the last 13 Months
(December, 2024 - December, 2025)



Fakafuofua kihe 'Uha moe Mafana 'oe 'Ea ki Fepueli ki 'Epeleli 2026

- Koe fakafuofua 'e lahi pe ke 'ihe 'avalisi angamaheni 'ae 'uha ki he 'otu Tonga.
- Kei mafana ange ai pe 'ae 'Ea 'ihe 'avalisi angamaheni 'ihe kotoa pe 'otu Tonga.
- Koe mafana 'oe tahi 'oku fakafuofua 'e ma'olunga 'ihe 'avalisi 'ihe kotoa pe 'oe 'otu Tonga.
- 'E ma'olalo 'i he 'avalisi angamaheni 'ae ma'olunga e tahi 'ihe ngaahi potutahi 'o Tonga. Vakai kihe ngaahi 'ata 'i lalo.
- Koe ngaahi faka'ilonga 'oe La Nina 'oku kei 'ihe 'Oseni Pasifiki ka kuo holo pe pea 'oku 'iai pe 'ae fakafuofua 'e foki ki he 'avalisi angamaheni 'ihe mahina e 1-3 ka hoko. Koe holo koeni o vaivai ange ae La Nina 'oku ha pe ia pea fenapasi pe moe ngaahi fakafuofua kihe 'Uha 'ihe mahina e 3 ka hoko aia oku ha atu ihe tepile.

Feitu'u	Fakafuofua ki he 'Uha Fepueli — 'Epeleli 2026		% Faingamalie ke hoko 'ae fakafuofua
Niuafo'ou	'Avalisi	723 mm – 937mm	40 - 50
Niutoputapu	'avalisi	691mm – 840mm	40 - 50
Vava'u	'Avalisi	713mm – 954mm	40 - 50
Ha'apai	'Avalisi	567mm – 718mm	40 - 50
Fua'amotu	'Avalisi	505mm – 790mm	40 - 50
Nuku'alofa	'Avalisi	551mm – 735mm	40 - 50
'Eua	'Avalisi	505mm – 790mm	40 - 50



Koe ngaahi faka'ilonga tu'ufonua ki he faha'ita'u saikolone.

- Koe fua to'ulu e 'akau fua o mahulu ange 'ihe anga maheni 'oku faka'ilonga 'e 'iai e afa 'ihe faha'i ta'u afa koia.
- Koe taimi 'oku fa'u pununga ai 'ae fanga pii 'ihe ngaahi nge'esi pupuu pe ofi 'aupito kihe kelekele pehe foki ki fale pea 'oku faka'ilonga mai 'e 'iai ha matangi saikolone 'ihe faha'i ta'u saikolone koia
- Koe hina 'oka nau ka fa'u kupenga he ngaahi feitu'u ataa 'o 'ikai ke fakatoitoi ha feitu'u pea mahino 'oku 'ikai ke ofi mai ha saikolone.
- Koe muka 'oe siaine moe hopa 'o kapau 'oku lahi kenau mapelu pea 'oku ne talamai 'e 'iai e afaa.
- Koe 'asi 'ae lofa talamatangi 'i lotofonua 'oku ne faka'ilonga mai 'oku 'iai 'ae Matangi oku ofi mai.
- Koe taimi 'oku kamata ke matala ai e ngaahi 'akau kakala tu'ufonua 'oku faka'ilonga 'oku ha'u e mafana.
- Kapau 'e lahi e mongomonga 'i fale pea mafana e 'ea mo nau puna 'oku faka'ilonga 'oku vave ha to mai ha 'uha

Lau mahina fakatonga:

Koe konga 'o Vaimui, Faka'afumo'ui, Faka'afumate (Fepueli ki 'Epeleli).

Koe faha'ita'u 'uha 'oku fiefia ma'u pe 'ae tangata Fa'a ka koe faka'osinga 'oe faha'ita'u 'oku fa'a hoko ai e ngaahi Matangi pea moe 'uha lahi 'o hoko koe palopalema kihe ngoue.

Ngaahi me'a ke Fakatokanga'i

Koe faha'i ta'u mafana na'e kamata 'i he 'aho 1 'o Novema pea 'e toki ngata kihe 'aho 30 'Epeleli. Koe taimi foki eni 'oku angamaheni áki ke 'ihe 'avalisi pe lahiange 'ihe 'avalisi 'ae 'uha. 'Oku toe 'iloa foki 'ae faha'i ta'u koeni koe faha'ita'u Afaa.

Fakatatau kihe tu'unga lolotonga 'oku 'iai 'ae ngaahi vahefonua pea moe 'uha he ngaahi mahina e tolu kuo hili 'ikai ke ngata ai ka koe ngaahi fakafuofua kuo tukuatu 'i 'olunga, 'oku fale'i atu ai kihe kakai kotoape ke tanaki e vai 'ihe taimi 'oku 'uha ai pea ngaue fakapotopoto 'aki 'ae vai 'uha. Fakapapau'i ma'u pe 'oku ma'u 'ae ngaahi fakamatala fakamuimuitaha meihe va'a Fakamatala 'Ea pea moe ngaahi fale'i meihe ngaahi kupu fekau'aki tautefito kihe ngaahi va'a 'oku tu'u lavea ngofua kihe fakatamaki fakaenatula o hange koe Ngoue, Mo'ui, Vai moe fakatamaki fakaenatula ke matuútaki pea faka si'isi'i 'ae uesia moe maumau 'e ala hoko tupu meihe ngaahi fakatamaki fakanatula.

Koe fakamatala 'Ea hoko 'e tuku atu ia fakafuofua kihe uike 2 'o Fepueli 2026 pe ofi kiai.

Fakatokanga'i ange.

Koe fakamatala ni 'oku fa'u ia 'i he 'osi pe 'ae mahina kotoa hili hano tanaki mai e fakamatala mei he ngaahi 'ofisi vakai matangi 'I he 'otu Tonga ni. Lolotonga hono fakahoko 'ehe Potungaue 'a hono 'anlaiso mo fakapapau'l 'ae ngaahi fakamatala kuo tanaki ke fa'u 'aki 'ae fakamatala ni , 'oku 'ikai ke fakapapau atu 'ae Potungaue kihe kakato moe tonu 'ae fakamatala ni pea 'oku 'ikai ke totonu keke falala kakato kihe ngaahi fakamatala ni. Koe ngaahi fakamatala ni 'oku 'oatu pe ke tokoni ki ho'o fai tu'utu'uni. He 'ikai ke 'iai ha kaunga 'ae Potungaue ki ha'o faitu'utu'uni pe ko ha mole, maumau pe mo'ua 'e hoko tupu mei ha'o ngaue'aki 'oe fakamatala ni. Ki ha'o toe faka'eke'eke fekau'aki moe fakamatala ni pea ke kataki 'o fetu'utaki mai ki he talekita 'oe Potungaue Vakai Matangi 'I he metstaff@met.gov.to pe koe puha 1380 pe koe telefoni: **(676) 0800638, 7400062** ki ha toe fakaikiiki.